

" মিষ্টি বাচ্চারা - জ্ঞান ধন দান করার জন্য বিচার সাগর মন্থন করো , এই জ্ঞান দান করার উত্সাহ থাকলে মন্থন চলতেই থাকবে । "

প্রশ্ন :- এই জ্ঞান মার্গে সর্বদা নিজেকে শক্তিশালী রাখার সাধন কি ?

উত্তর :- এই জ্ঞান মার্গে সর্বদা নিজেকে স্বাস্থ্যবান রাখতে বাবার থেকে তোমরা যে জ্ঞানের ঘাস (মুরলী) পেয়েছো , তা খেয়ে পরিপাক করতে হবে অর্থাৎ জ্ঞান মন্থন করতে হবে । যেসব বাচ্চাদের মন্থন করার অর্থাৎ হজম করার অভ্যাস আছে , তারা কখনও অসুস্থ হয়না । সেই সর্বদা সুস্থ থাকে যার মধ্যে কোনও বিকারের রোগ থাকে না ।

গীত :- তুমি প্রেমের সাগর , আকুল হয়েছি তোমার থেকে একবিন্দু পাব বলে

ওম্ শান্তি । বাচ্চারা এই গান শুনেছে । দুনিয়ার মানুষ যেসব গান বানায় , যে সকল শাস্ত্র পাঠ করে শোনায় , সেসব কিছুই বুঝতে পারে না । যা কিছুই তারা পড়ে বা জেনে এসেছে তাতে কারও উপকার হয়নি বরং অপকারই হয়ে এসেছে । সবার কল্যাণকারী, একমাত্র ঈশ্বর । তোমরা বুঝতে পারছ আমাদের কল্যাণকারী বাবা এসেছেন । তিনি আমাদের কল্যাণের পথ বলে দিচ্ছেন । বিশেষত তোমাদের , ভারতবাসী বাচ্চাদের আর সাধারণভাবে সারা দুনিয়ার কল্যাণকারী একমাত্র শিববাবা । সত্যযুগে তোমাদের সকলের সবরকম সুখ সুবিধা ছিলো , তোমরা সবাই ছিলে সুখধামে আর বাকিরা সকলে ছিল শান্তিধামে । এই কথা বাচ্চাদের বুদ্ধিতে থাকে কিন্তু তারা এই পয়েন্ট ভুলে যায়, তাই পুরো ধারণা করতে পারে না । যদি একটা পয়েন্টের উপর তোমরা বিচার সাগর মন্থন করো তাহলে এমন হবে না , জন্তু জানোয়ারদের মধ্যে যে বুদ্ধি থাকে আজকালের মানুষের মধ্যে সেই বুদ্ধি থাকে না । গরু যখন ঘাস খায় , তখন তা সারাদিন জাবরও কাটে । তোমরা এখানে জ্ঞানের ঘাস পাও । যোগ আর জ্ঞান । এর উপর দিনভর বিচার সাগর মন্থন করতে হবে । যাদের সেবা করার কোনো উত্সাহ থাকে না, তারা বিচার সাগর মন্থন করে কি করবে । যাদের কোনও উত্সাহ থাকেনা তারা কিছু করতেও চায়না । কারও আবার জ্ঞান ধন দান করার খুব উত্সাহ থাকে । মানুষ গোশালায় গিয়ে গরুকে ঘাস ইত্যাদি খেতে দেয় । এই কাজও তারা পুণ্য বলে মনে করে । বাবা তোমাদের এই জ্ঞানের ঘাস খাওয়াচ্ছেন । এই বিষয়ের উপর যদি বিচার সাগর মন্থন করতে থাকো তাহলে খুশীতে থাকতে পারবে আর সেবারও উত্সাহ থাকবে । কেউ লোটা ভরে নেয় অথবা ফোঁটামাত্রও যদি এই জ্ঞান ধন নিতে পারে, তাহলে সেও স্বর্গে যাওয়ার উপযুক্ত হতে পারে । স্বর্গের দ্বার খোলার সময় আসন্ন । বাস্তবে এই জ্ঞান সাগর আত্মস্থ করতে হবে । কেউ এই জ্ঞান সম্পূর্ণভাবে গ্রহন করতে পারে কেউ আবার এক ফোঁটা , তবুও তারা স্বর্গে যেতে পারে । আর যত ধারণ করবে ততই উঁচু পদ পাবে । এক ফোঁটা গ্রহন করলেও তোমরা স্বর্গে যেতে পারো । যখন কেউ মারা যায় তখন তার মুখে এক ফোঁটা গঙ্গাজল দেওয়া হয় । কোনও কোনও বাড়িতে সকলে গঙ্গা জলই পান করে । তারা কত গঙ্গা জল পান করতে পারবে ? গঙ্গা সবসময় বয়ে চলেছে । তাকে কেউ গিলে নিতে পারে না । তোমাদের মহিমাও গাওয়া হয় যে - সম্পূর্ণ সাগরও তোমরা পান করেছিলে । যারা জ্ঞান সাগরের কাছাকাছি আসে এবং সেবায় নিজেকে নিয়োজিত করে তারা রুদ্রমালায় গ্রথিত হয় । এই জ্ঞান যত গলাধঃকরণ করবে এবং অন্যের কল্যাণ করবে ততই উঁচু পদাধিকারি হবে । তোমরা যত ধারণ

করবে তোমরা তত খুশীও থাকবে। ধনবান মানুষ খুব খুশীতে থাকে তাই না। যার কাছে অগাধ ধন সম্পত্তি থাকে এবং তা দান করে অথবা কলেজ প্রতিষ্ঠা করে, তীর্থযাত্রীদের জন্য ধর্মশালা বা মন্দির ইত্যাদি বানায় তারা এর জন্য অতীব খুশী অনুভব করে। এখানে তোমরা অবিনাশী জ্ঞান রত্ন পাও। তোমরা ২১ জন্মের জন্য অবিনাশী ধন ভাণ্ডার লাভ করো। যারা খুব ভালোভাবে এই জ্ঞান ধারণ করে তারপর এই জ্ঞানের দান করে, তারা খুব ভালো পদের অধিকারী হয়। কোনো কোনো বাচ্চারা বাবাকে লেখে - বাবা, আমাদের মন চায় চাকরী ছেড়ে এই রুহানী সেবায় লেগে যাই। প্রোজেক্টর এবং প্রদর্শনী নিয়ে ঘুরে ঘুরে সকলের কাছে এই জ্ঞান ধন বিতরণ করি। যদি একজনও কেউ ফোর্টামাত্র এই জ্ঞান আহরণ করতে পারে তাহলে সেও লাভবান হবে। এই সেবায় আমি অনেক উত্সাহ বোধ করি বাবা। প্রত্যেকের অবস্থা বাবা বিলক্ষণ জানেন। এই সেবার সাথে সাথে তোমাদের গুণও ধারণ করতে হবে। তোমাদের ক্রোধ বা ভুল চিন্তা ভাবনা আসা উচিত নয়। বিকারের কোনো রোগই তোমাদের থাকা উচিত নয়। জ্ঞানে তোমাদের শক্তিশালী হওয়া চাই। যার মধ্যে বিকার কম, বাবা তাকে বলেন সুস্বাস্থ্যবান। বাবা তার মহিমাও করেন। ভালো ভালো মহারথীদেরও মহিমা করা হয়। অসুর আর দেবতাদের লড়াইও দেখানো হয়েছে এবং সেখানে দেবতাদের জয় হয়েছে। এখন আমাদের লড়াই কিন্তু 5 বিকাররূপী অসুরের সাথে। অন্য ধরনের মানুষ কিন্তু অসুর নয়, যাদের মধ্যে আসুরিক স্বভাব আছে তাদেরই অসুর বলা হয়। একনম্বর আসুরিক স্বভাব হলো কাম বিকারের, তাই সন্ন্যাসীরাও একে ছেড়ে পালাতে চায়। এই আসুরী অপগুণ ছাড়তে অনেক পরিশ্রম লাগে। তোমাদের গৃহস্থ জীবনে থেকেই এই আসুরী স্বভাব ত্যাগ করতে হবে। পবিত্র হতে পারলে মুক্তি আর জীবনমুক্তি পাওয়া যাবে। এ কত বড় প্রাপ্তি। সন্ন্যাসীরা তো ঘর বাড়ি ছেড়ে চলে যায় অথচ প্রাপ্তি কিছুই হয় না। এই ছবিতে কত ভালো ভালো কথা বোঝানো আছে। দুনিয়ার মানুষ তাদের ছবির প্রদর্শনী করে। শুধুমাত্র এই ছবি দেখার জন্য কত লোক আসে। এতে লাভ কিছুই হয় না। আর এখানকার এই ছবিতে কত জ্ঞানের কথা আছে, এর থেকে তোমাদের অনেক লাভ হয়। এখানে আর্টের কোনো কথা থাকে না। যারা বানায় তাদেরও কোনও কৌশল থাকে না। আর দুনিয়ার লোকের বানানো ছবিতে তাদের নাম লেখা থাকে। যারা আর্টিস্ট তারাও অনেক পুরস্কার পায়। কেউ কেউ এতটুকু তো বোঝে যে বাবাকে অবশ্যই স্মরণ করতে হবে। এইটুকু বললেই প্রজা হতে পারবে। প্রজা তো অনেক তৈরী হয়। আমি হলাম জ্ঞানের সাগর। এই জ্ঞানমাত্রটুকুও যদি কেউ পায় তাহলে স্বর্গে যাওয়ার অধিকারী হয়। তোমরা বোঝো যে প্রদর্শনী, মেলাতে অনেকের কল্যাণ হয়। ঈশ্বর তো কল্যাণকারী। তোমাদেরও এখন কল্যাণ হচ্ছে। কিন্তু এতেও তোমরা বিচার সাগর মন্বন করতে থাকো। স্মৃতিতে যদি এই কথা আনো তাহলে অনেক লাভ হবে। উল্টো পাল্টা কথা এক কান দিয়ে শুনে আর এক কান দিয়ে বের করে দেওয়া উচিত। বাবা বলেন যে আমি তোমাদের খুব ভালো কথা শোনাচ্ছি। এক নম্বর মুখ্য কথাই হলো - যে কোনো মানুষকেই বাবার পরিচয় দাও। সকলকে বলো, এক বাবাকেই স্মরণ করো, তিনিই হলেন সবকিছু। ভক্তি মার্গে এমন অনেক ভক্ত আছে। তাদের বলো, তোমরা তো এই ভক্তি খুব ভালোভাবে করো। তোমরা আঙুল দিয়েও ইশারা করে বলো যে সবকিছুই পরমাত্মা করেন। তিনি সবার কল্যাণকারী এবং তিনি ওপরে থাকেন। তোমরা আত্মারাও তো ওখানেই থাকো। এই সমস্ত জ্ঞানের কথা তোমরা এখন বুঝতে পারছো। বাবা বলেন, বাচ্চারা এখন তোমাদের এই কাপড় (শরীর) নষ্ট হয়ে গেছে। সত্যযুগ আর ত্রেতাতে তোমাদের এই বস্ত্র বা শরীর কত সুন্দর ছিলো। এখন এই নষ্ট কাপড় কতদিন পড়বে। কিন্তু এই কথা কেউই বুঝতে পারে না। এখন তোমরা বাচ্চারা বুঝতে পারো যে - এই জ্ঞানদাতা একমাত্র বাবা। তিনি হলেন সাগর। যে সাগর সম্পূর্ণ

পান করতে পারে - সেই বিজয় মালার দানা হয়ে যায়। সে সবসময় এই সেবাকাজের জন্য তত্পর থাকে। বাবা আসেনই এই রুদ্র মালা বানাতে। তারপর সকলকে ফিরে যেতে হবে। যেখান থেকে তোমরা এসেছো নশ্বর অনুসারে আবার সেখানেই তোমরা ফিরে যাবে। আগে বা পিছে কিন্তু যাওয়া যাবে না। কোনো নাটকে কোনো অভিনেতার অভিনয় তার সময় অনুযায়ী হয়। আর এই বিশ্ব নাটকে যে সব অভিনেতারা আছে তারা তাদের নশ্বর অনুসারে নিজের - নিজের সময় অনুযায়ী আসতে থাকবে। এইভাবেই এই বেহদের নাটক তৈরী হয়েছে। ব্রহ্ম তে আমরা আত্মারা বিন্দু রূপে থাকি। সেখানে আর অন্য কি হবে। কোথায় বিন্দুরূপী আত্মা আর কোথায় এতো বড় শরীর কত তফাত। আত্মা কত অল্প জায়গা নেয়। আর ব্রহ্ম মহতত্ত্ব কত বড়। যেমন মহাকাশের কোনো শেষ নেই, তেমনি ব্রহ্ম মহতত্ত্বেরও কোনো শেষ নেই। মানুষ কত চেষ্টা করে এর শেষ খুঁজে পাবার জন্য, কিন্তু মাথা খুঁড়লেও এর শেষ মানুষ খুঁজে পায় না। এমন কোনো জিনিসই নেই যাকে ধরে এর পার পাওয়া যাবে। সায়েন্সের কত জেদ বার করার কিন্তু কিছুই লাভ নেই। এই কথা মানুষ শুনেছে না - আকাশই আকাশ, পাতালই পাতাল। মানুষ ভাবে যে চাঁদে নতুন দুনিয়া হবে। এও নাটকে তাদের পার্ট আছে। এতেও কিছুই লাভ নেই। বাবা এসেই আমাদের নতুন বিশ্বের মালিক বানান। তাতেই আমাদের কত লাভ। বাকি চাঁদেই যাও আর ছু মন্ত্র দিয়ে ভূতই বের করোএতে কি লাভ। এখন আমরা বেহদের বাবার থেকে বেহদের বর্ষা বা সম্পত্তি নিচ্ছি। কল্প কল্প এই সম্পত্তি আমরা নিয়ে এসেছি। এই পৃথিবীর ইতিহাস আর ভৌগলিক অবস্থান রিপোর্ট হতে থাকে। এই চক্রও বারে বারে ফিরতে থাকে। এই দুনিয়াতে প্রথমে একমাত্র ভারতই ছিলো। ভারতবাসীরাই এই বিশ্বের মালিক ছিলো। সেখানে দেবতাদের অন্য কোনো খণ্ডের কথা মনেই থাকে না। এতো পরে বৃদ্ধি পেতে থাকে। নতুন নতুন ধর্মস্থাপক এসে তাদের নিজেদের ধর্ম স্থাপন করেন। তারা তো কোনো সঙ্গতি করান না কেবলমাত্র ধর্মস্থাপন করেন। তাদের কি আর গায়ন হবে। তাঁরা মুক্তিধাম থেকে আসে তাঁদের অভিনয় করার জন্য। মানুষ বলে যে তাঁরা মোক্ষ পাবার জন্য এসেছে। মানুষ বলে যে, তাঁরা এই অবগমনের চক্রে কেন আসে! কিন্তু এই চক্রে তো আসতেই হবে। পুনর্জন্ম তো নিতেই হবে আবার ফিরেও যেতে হবে। এ হলো পূর্ব নির্ধারিত একটি নাট্যচক্র। লাখো বছরের নাটক তো আর হয় না। এ হলো প্রকৃতির অনাদি নাটক, একে বলা হয় ঈশ্বরের আশ্চর্য অনাদি সৃষ্টি। রচনা আর রচয়িতার এই আশ্চর্য অনাদি সৃষ্টিকে জানতে হবে। এমন কোনো মানুষই নেই যারা এই সৃষ্টিচক্রকে জানবার জন্য বসে বসে পুরুষার্থ করে। এই সৃষ্টি চক্র কিভাবে ফিরছে এই খেয়াল তাদের আসেই না। সবথেকে পুরোনো ছবি হলো শিবলিঙ্গের। ঈশ্বর এসেছেন তাই তাঁর স্মরণে এই লিঙ্গ বানানো হয়। প্রথমে যখন শিবের পূজা শুরু হয়েছিলো তখন হীরের লিঙ্গ বানানো হতো। তারপর যখন ভক্তি রজো এবং তমো হয়ে যায় তখন পাথরের লিঙ্গও বানানো হয়। শিববাবা তো হীরের নয়। শিববাবা হলেন এক বিন্দুরূপ, পূজা করার জন্য মানুষ তাঁকে বড় বানায়। তারা ভাবে যে আমরা হীরের শিবলিঙ্গ বানালাম। সোমনাথের এতো বড় মন্দিরে যদি একটা বিন্দু রাখা হয় তাহলে মানুষ বুঝতেই পারবে না। বাবা বোঝান যে - ভক্তিমার্গে কি কি না হয়। বিজ্ঞানীরা তো আবিষ্কার করতেই থাকে। কত ভালো ভালো জিনিস তারা আবিষ্কার করে। বিনাশ হওয়ার জন্যও তারা আবিষ্কার করতে থাকে। আগে কি বিদ্যুতের আলো ছিলো? তখন মাটির প্রদীপ জ্বালানো হতো। বাবা বোঝান যে মিষ্টি - মিষ্টি বাচ্চারা অল্পেই খুশী হয়ে যেও না। এই জ্ঞান ভালো করে ধারণ করার জন্য জ্ঞান সাগরকে পান করো। যারা এই সেবাকাজ ভালোভাবে করবে তারা খুব ভালো পদ পাবে। দিনভর যেন তোমাদের খুশির পারা উঁচুতে থাকে। এই দুনিয়া হলো ছি - ছি। এখন এখান থেকে যেতে হবে। পুরোনো দুনিয়া তো শেষ হয়েই যাবে। তার জন্য প্রস্তুতিও চলছে। অল্প দিনই

বাকি আছে , এই সময়ের মধ্যে তোমাদের কত সার্ভিস করতে হবে । কেবলমাত্র ভারতেই নয়, বিলেতের বিভিন্ন জায়গায় তোমাদের ঘুরতে হবে । কাগজের দ্বারা বিলেতের বিভিন্ন কোণে পর্যন্ত খবর পৌঁছে যাওয়া চাই । এই সিঁড়ির ছবি দেখে সবাই চট করে বুঝতে পারবে । বাবা আসেনই বাচ্চাদের আবার নতুন করে স্বর্গবাসী বানানোর জন্য । বরাবর লক্ষ্মী নারায়ণ এই ভারতেই রাজত্ব করে গেছেন । ভারত প্রাচীন দেশ এই মহিমাতো অনেক আছে । অনেকেই এই মহিমা করে যে ভারত এমন ছিলো , ভারতে এমন পবিত্র দেবীরা ছিলেন । তোমরা জানো যে আমরা বাবার থেকে ২১ জন্মের জন্য প্রালব্ধ পাই । বাবা খুবই সাধারণভাবে আমাদের পড়ান । দেখানো হয় যে দ্রৌপদীর পা টিপে দিয়েছিলো কিন্তু এমন কিছুই হয় নি । বাবা বলেন যে বাচ্চারা ভক্তি মার্গে ধাক্কা খেতে খেতে তোমরা পরিশ্রান্ত হয়ে গেছো । এখন আমি তোমাদের সেই ক্লান্তি দূর করছি । তোমরা হোঁচট খেতে খেতে পতিত হয়ে গেছ । বাবা বলেন যে আমি তোমাদের এই ক্লান্তি দূর করছি । এরপর তোমরা কখনোই আর দুঃখের মুখ দেখবে না । সামান্যতম দুঃখও তোমাদের জীবনে থাকবে না । আর বাদবাকি তোমাদের পুরুষার্থ করে তোমাদের উঁচু পদ পেতে হবে । ভালো পদ পেলে তোমরা তো এই কথাই বলবে যে - পূর্বজন্মে কোনো ভালো কাজ করেছিলাম । এই ধরনের গায়ন তো আছেই । কিন্তু কেউই জানে না যে , এরা কবে পুরুষার্থ করে এই পদ পেয়েছিলো । এখন বাবা তোমাদের এই ধরনের কাজ শেখাচ্ছেন । বাবা তোমাদের বলছেন , ভালো কাজ করে তোমরা উঁচু পদ পাও । এখানে মানুষের কর্ম বিকর্ম হয়ে যায় । সেখানে তো স্বর্গ । তাই সেখানে কর্ম অকর্ম হয়ে যায় । এখানকার এই জ্ঞান ওখানে থাকে না । বাবা বলেন যে - কর্মের গতি আমি জানি । এই সময় তোমরা যে ভালো কাজ করবে তার ফল তোমাদের ভালোই হবে । এ হলো কর্মক্ষেত্র । কেউ কেউ খুব ভালো কাজ করে । আবার কেউ কেউ আছে যাদের সার্ভিসের নেশা লেগে থাকে । বাবাকে তোমরা জিজ্ঞেস করো যে আমাদের মধ্যে কোনো খামতি আছে কি ? না , সার্ভিস যতটা করতে পারবে ততটাই করবে । আসতে আসতে এই সেবা বৃদ্ধি পেতে থাকবে । যারা সেবা করবে তারাও আসতে আসতে এগিয়ে আসবে । মনে তোমাদের এই আশ্বাস আছে যে - আর অল্প কিছুদিন বাকি আছে । এখন এমন পুরুষার্থ করতে হবে যাতে ওখানেও উঁচু পদ পাওয়া যায় । বাবা এই জ্ঞানের ঘাস খাওয়ান, বলা হয় যত এর মন্বন করবে তত ধারণা পাকা হয়ে যাবে । খুশীর পারদও চড়তে থাকবে । অনেক সেবা করতে হবে, অনেককে খবর দিতে হবে । তোমরা পয়গম্বরের বাচ্চা পয়গম্বরের । একদিন বড় কাগজেও তোমাদের ছবি বের হবে । বিদেশেও তো এইসব ছবি যায় । ছবি দেখেই বুঝতে পারবে এই জ্ঞান গড ফাদারই দিয়েছেন । বাদবাকি "মনমনাভব" হবার জন্যই পরিশ্রম করতে হবে । ভারতবাসীরাই এই পরিশ্রম করে । আচ্ছা ।

মিষ্টি - মিষ্টি সিকিলধে/হারানিধি বাচ্চাদের প্রতি মাতা - পিতা, বাপদাদার স্মরণ , ভালোবাসা আর সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

- 1) বাবা যে ভালো ভালো কথা তোমাদের শোনান, তার উপর বিচার সাগর মন্বন করে অনেকের কল্যাণকারী হতে হবে । উল্টো - পাল্টা কথা এক কান দিয়ে শুনে অন্য কান দিয়ে বার করে দিতে হবে ।

2) কোনো আসুরিক স্বভাব থাকলে তা ত্যাগ করতে হবে । বাবা যে জ্ঞানের ঘাস খাওয়ান তা সবসময় মন্থন করতে হবে ।

বরদান :- লাইট হাউসের স্থিতির দ্বারা পাপ কর্মকে সমাপ্ত করে পুণ্য আত্মা হও । যেখানে লাইট থাকে সেখানে কোনো পাপ কর্ম হয় না । তাই সর্বদা লাইট হাউসের স্থিতিতে থাকলে মায়া কোনো পাপ কর্ম করাতে পারবে না, সর্বদার জন্য পুণ্য আত্মা হতে পারবে । পুণ্য আত্মা সংকল্পেও কোনো পাপ কর্ম করতে পারে না । যেখানে পাপ হয় সেখানে বাবার স্মরণ থাকে না । তাই দৃঢ় সঙ্কল্প করো যে আমি পুণ্য আত্মা, পাপ আমার সামনে আসতেই পারবে না । স্বপ্ন বা সংকল্পেও কখনও পাপকে আসতে দিও না ।

স্লোগান :- যে জীবনের প্রতিটি দৃশ্যকে সাক্ষী হয়ে দেখতে পারে, সেই সর্বদা হাসিমুখে থাকতে পারে।